



Na osnovu člana 19. stav (1) tačka g), a u vezi sa članom 13. stav (1) Zakona o Agenciji za bankarstvo Federacije Bosne i Hercegovine („Službene novine Federacije BiH“, br. 75/17), člana 12. stav (1) tačka h) Statuta Agencije za bankarstvo Federacije Bosne i Hercegovine („Službene novine Federacije BiH“, br. 3/18) i Odluke o raspisivanju javnog poziva za izbor i imenovanje predsjednika i članova Komisije za odlučivanje po žalbi protiv prvostepenih akata Agencije za bankarstvo Federacije Bosne i Hercegovine (Drugostepena komisija), broj: U.O.-16-05/18 od 27.02.2018. godine, Upravni odbor Agencije za bankarstvo Federacije Bosne i Hercegovine raspisuje

**JAVNI POZIV  
za izbor i imenovanje  
predsjednika i članova Drugostepene komisije**

Raspisuje se javni poziv za izbor i imenovanje predsjednika i 4 (četiri) člana Drugostepene komisije Agencije za bankarstvo Federacije Bosne i Hercegovine (u daljem tekstu: Agencija). Imenovanje predsjednika i članova Drugostepene komisije vrši se na period od 4 (četiri) godine, sa mogućnošću ponovnog imenovanja.

Kandidat za izbor i imenovanje u sastav Drugostepene komisije, pored uslova propisanih Zakonom o Agenciji za bankarstvo Federacije Bosne i Hercegovine (u daljem tekstu: Agencija) i Statutom Agencije, mora ispunjavati opće i posebne uslove kako slijedi:

a) Opći uslovi:

1. da je državljanin Bosne i Hercegovine;
2. da se na njega ne odnosi član IX.I Ustava Bosne i Hercegovine;
3. da nije osuđivan za krivično djelo iz oblasti finansija, tržišta kapitala, pranja novca i finansiranja terorističkih aktivnosti i kojem nije pravosnažnom presudom zabranjeno vršenje aktivnosti iz nadležnosti Agencije i oblasti finansija;
4. da mu pravomoćnom presudom suda nije izrečena zaštitna mjera vršenja poziva, djelatnosti ili dužnosti, niti se vodi prekršajni postupak zbog prekršaja za koji se može izreći takva mjera;
5. da nije izabran zvaničnik, nositelj izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine („Službeni glasnik BiH“, br. 16/02, 14/03 i 12/04, 63/08 i 18/12);
6. da nije zaposlen niti član organa u Agenciji, ni subjektima bankarskog sistema, za koje je zakonom propisano da posluju pod nadzorom Agencije;
7. da nije u sukobu interesa u ličnom ili profesionalnom odnosu sa Agencijom.

b) Posebni uslovi:

1. visoka stručna sprema VII stepen stručne spreme, odnosno, visoko obrazovanje prvog ciklusa Bolonjskog sistema studiranja (koji se vrednuje sa 240 ECTS bodova) pravne ili ekonomske struke;
2. dugogodišnje radno iskustvo, a najmanje 5 (pet) godina radnog iskustva iz oblasti upravnog postupka, upravnog nadzora, uskim specijalnostima, znanjima i vještinama u oblasti bankarstva, računovodstva i finansija;

3. posjedovanje stručnih, profesionalnih znanja i sposobnosti za obavljanje poslova iz oblasti upravnog postupka, upravnog nadzora, te uskim specijalnostima, znanjima i vještinama u oblasti bankarstva, računovodstva i finansija;
4. posjedovanje visokih moralnih kvaliteta.

Svi kandidati sa liste užeg izbora biće pozvani na intervju.

Lični podaci prijavljenih kandidata su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine.

c) Potrebna dokumentacija:

Uz prijavu potrebno je dostaviti slijedeću dokumentaciju:

- Kraću biografiju, adresu i kontakt telefon;
- Izvod iz matične knjige rođenih;
- Uvjerenje o državljanstvu;
- Dokaz o stručnoj spremi, o ispunjavanju uslova iz tačke b) pod 1;
- Dokaz o radnom iskustvu, o ispunjavanju uslova iz tačke b) pod 2;
- Izjava kandidata svojeručno potpisana, sa ovjerom potpisa od strane nadležnog organa, o ispunjavanju uslova iz tačke a) pod 2., 5. i 6.;

Prethodno navedena dokumentacija ne može biti starija od 30 dana, ukoliko zakonskim propisima nije predviđeno drugačije. Sva potrebna dokumenta kandidat dostavlja u originalnom primjerku ili ovjerenom fotokopiji.

Kandidati koji budu izabrani, prije preuzimanja dužnosti, dužni su dostaviti:

- Uvjerenje da se ne vodi krivični postupak i uvjerenje o nekažnjavanju, izdato od strane nadležnog suda i nadležnog MUP-a o ispunjavanju uvjeta iz tačke a) pod 3. i
- Uvjerenje nadležnog suda o ispunjavanju uvjeta iz tačke a) pod 4.

Konkurs ostaje otvoren 15 dana, računajući od narednog dana nakon objavljivanja.

Prijava sa biografijom i svim traženim dokumentima dostavlja se lično u prostorijama Agencije ili putem preporučene pisma, na adresu:

Agencija za bankarstvo Federacije BiH, Ul. Zmaja od Bosne br. 47b, 71.000 Sarajevo, n/p  
Komisija za provedenje postupka po Javnom pozivu za Drugostepenu komisiju, sa naznakom „Prijava na Javni oglas za izbor i imenovanje predsjednika i članova Drugostepene komisije – ne otvarati“.

Neblagovremene i nepotpune prijave neće biti uzete u razmatranje.

Agencija nije obavezna vraćati dokumentaciju dostavljenu uz prijavu.

Broj: U.O.-16-05-1/18  
Sarajevo, 27.02.2018.g



Predsjednica Upravnog odbora  
mr. sc. Ljerkica Marić, dipl. ecc